

FOTO: U Banja Luci hotelu "BOSNA" održan predizborni skup Koalicije Domovina

30/09/2014 10:25 by Administrator

U Banja Luci je sinoć održan predizborni skup Koalicije Domovina na kojoj su predstavljeni kandidat za predsjednika/potpredsjednika Republike Srpske (RS) Ramiz Salkić, te kandidati za Narodnu skupštinu (NS) RS i Zastupnički dom Parlamenta BiH.

Sve slike možete vidjeti pod ovim linkom:

<https://www.facebook.com/pages/Koalicija-Prvi-mart-Banja-Luka/597208316993101?fref=photo>

Obraćajući se prisutnima, Salkić je kazao da su oktobarski izbori dobra prilika za stvaranje jedinstva kod Bošnjaka u Banja Luci, koje je ranijih godina izostajalo.

"Pozivam vas da ovoga puta glasate za svoje predstavnike, a ne za predstavnike drugih naroda, koji poslije izbora zastupaju interese isključivo svoga naroda", istaknuo je Salkić.

Banjalučanima je poručio kako je vrijeme da svoje povjerenje daju ljudima koji su svakoga dana sa njima i koji žive i rješavaju njihove probleme.

"Ukoliko mi, koji se godinama borimo za jednakopravnost bez diskriminacije, ne dobijemo vaše povjerenje nećemo vas ni zastupati. Predstavljati vas mogu samo oni koje birate. Konačno, sada imate sedam stranaka u okviru naše koalicije za koje imate kandidate možete glasati i ukoliko ujedinito našu energiju, možemo dobiti respektabilnu snagu u NSRS, Zastupničkom domu Parlamenta BiH i na poziciji potpredsjednika RS", rekao je Salkić.

Pozvao je građane Banja Luke da glasaju za kandidate Koalicije Domovina i na taj način otvore novo poglavlje u politici BiH i Hrvata ove regije.

"Historijski je luksuz rasipati glasove Bošnjaka i Hrvata, koji mogu zajednički izboriti svoje predstavnike na entitetskom i državnom nivou i tako spriječiti diskriminaciju kojoj smo danas izloženi", kazao je Salkić.

Naveo je kako se Bošnjaci danas ne mogu zaposliti u javne institucije i javna preduzeća u RS.

"Izloženi smo diskriminaciji u obrazovanju, u zdravstvenom sektoru, zapravo u svim segmentima društva. Da bismo izašli iz ovakvog stanja potrebna nam je politička snaga, a nju možemo dobiti ako glasamo za Koaliciju Domovina", dodao je Salkić.

Izvor vijesti: klix.ba
